

005 【^{5/10}言該本末₂】華嚴懸教談疏序

疏鈔一/四冊·華嚴疏鈔卷一 p26~31 · no. 005

講義出處: 華嚴懸談會玄記卷第4·蒼山再光寺比丘 普瑞集

整理者: 葉苾芬 · 『華嚴懸談』課程講義 · 2022 · 10 · 23

【^{5/10}言該本末₂】1/2: 【『理事』相望，而論本末】· p26~30

▲鈔【則心絕動搖】 p27r2

1 即大般若·那伽室利分中文也。(梵語那伽，此云龍室利，此云吉祥)。

2 以龍吉祥欲入城乞食，妙吉祥曰：

『隨汝意往，然於行時，勿得舉足，勿得下足，勿屈勿伸，勿起於心，勿興戲論，勿生路想，城邑聚落想，大小男女想。所以者何？

菩薩遠離諸所有想，無高無下，無卷無舒，心絕動搖，言忘戲論，無有數量。

鈔【法性本空，空無諸相】 p28r6

1 直談『真性絕相』，曰空。

2 言【緣生之法，無性故空】，又推一切法既假緣成，當知無性故空，復有何相

3 上自性空，此緣生故空。皆釋上『空』一字。

鈔【若礙於言，身子被呵】 p29r11

1 淨名經中，舍利弗問天女曰：『止此室其已久如？』答：『我止此室，如耆年解脫』

舍利弗言：『止此久耶？』天女曰：『耆年解脫亦如何久？』舍利弗默然不答。

天女曰：『如何耆年大智而默答？解脫者，無所言說，故吾於是不知所云。』

2 此上，即若礙於言也。

3 天曰：『言說文字，皆解脫相，所以者何？

解脫，不內不外，不在兩間。文字亦不在內，不在外，不在兩間。

是故舍利弗，無離文字說解脫也。

所以者何？一切諸法皆解脫相。(則身子被呵也)。

【不礙於言，文殊攸讚】 p29R12

*文殊問淨名：『何等人不二法門？』淨名默然。

文殊讚言：『善哉善哉！乃至無有文字言說，是為真入不二法門』

▲鈔【第五經】P30r12

* 即從地湧出品也。由上首四大菩薩問佛云：『如來安樂少病少惱，諸眾生等易可化度，不令世尊生疲勞耶？』故佛答云：『始見我身等』，是眾生易度無疲勞之相也。

言【法華攝餘，經歸華嚴】 P31r2

1*天台宗中，法華補注，有破此文，立其四難：

- 『(1)歸彼不歸此，難謂法華攝於餘經，何不歸自，而歸華嚴？
- (2)當部無文，難謂法華部內，實無入華嚴之文。
- (3)自語相違，難謂是經之言。既云法華，何謂之歸華嚴耶？
- (4)縱圓奪別，難謂若華嚴，便說一極者，圓教可爾，兼別如何？(彼以華嚴兼別說圓)

2 准會解皆為通之，

(1) 且通初難者：

『若法華不歸華嚴，而別歸自法華者。應佛慧有二，以前始見我身入佛慧，是華嚴。我今亦令得聞是經，入佛慧。是法華。則有二佛慧也。』

(2) 通第二難者，即『今此令入佛慧，豈非當部之文耶？』

又信解品中，『初見其父，踞獅子床。』如說華嚴後，認天性之父子，如說法華。然則此父，豈非昔父耶？此亦當經文爾。

(3) 通第三難者，既因『是經』即是法華，其終入於佛慧。既與始入無殊，豈非法華是經，攝末歸華嚴之本耶？明知自語前後相契通。

(4) 第四難者，不善他宗也，兼別之說，唯汝自宗中義。只由汝自宗中，不合以華嚴兼於一別，故失圓融具德宗旨。今亦以此為難，不亦悲夫？

3 問：如上所通義，皆可見。然經但云：『入於佛慧』，如何乃云歸華嚴耶？

答：此約『所詮，顯能詮』也。如上云：『一佛乘者，即華嚴也』者，同此義爾。以華嚴正詮法界法，界即是一乘，一乘即是佛慧。今歸所詮佛慧，即是歸能詮華嚴也。

(^{5/10}言該本末，竟)

(華嚴懸談會玄記卷第四，竟)